

Deskripsi Siri Video Madkhal

Ilmu Asas

Siri-siri video ini akan memberikan panduan utama bagi para penonton tentang ilmu-ilmu asas dalam Islam. Ia ini bertujuan untuk menanamkan pemahaman yang kukuh mengenai asas-asas ilmu dalam agama Islam sebelum mempelajari ilmu-ilmu penting lain (yang terdapat di dalam siri video Madkhal yang lain) dalam kahazanah ilmu Islam. Berikut adalah senarai modul bagi Ilmu Asas:

- Fardhu Ain
- Kepentingan Ilmu dan Panduan bagi Penuntut Ilmu

Ilmu Syariah

Siri-siri video bagi Ilmu Syariah akan meningkatkan pemahaman para penonton tentang Syariah yang diturunkan Allah SWT serta hukum-hukum bagi perkara-perkara di dunia ini. Ia merangkumi pelbagai disiplin ilmu yang komprehensif dalam ilmu Syariah dan Fiqh, termasuklah sejarah perkembangan perundangan hukum, pendedahan asas cara ulama mengeluarkan hukum melalui metodologi Usul Fiqh, kaedah-kaedah dalam penentuan hukum Islam, serta memahami konsep tujuan dan objektif Syariah. Ia juga akan mendedahkan para penonton untuk mengenali aliran mazhab-mazhab fiqh utama di dunia. Berikut adalah senarai modul-modul yang akan ditawarkan bagi Ilmu Syariah:

- Pengenalan bagi Ilmu Syariah dan Fiqh
- Tarikh Tasyri'
- Usul Fiqh
- Qawaid Fiqh
- Maqasid Syariah
- Fiqh Ibadah dan seterusnya

Ilmu Quran

Ilmu Quran adalah satu disiplin ilmu untuk mempelajari Al-Quran secara mendalam dan berstruktur. Ilmu Quran menghimpunkan ilmu-ilmu yang berhubung kait dengan Al-quran secara menyeluruh. Antara perkara yang akan dibincangkan dalam siri-siri video ini adalah mengenai konsep-konsep penting dalam Ulum Al-Quran, seperti Mutawatir, nama-nama dan sifat-sifat Al-Quran, serta memahami perbezaan antara Al-Quran, Hadis Qudsi, dan Hadis Nabawi. Selain itu, kita akan memahami bagaimana Al-quran dikumpulkan, mulai dari zaman Nabi Muhammad SAW sehingga zaman Khalifah Uthman R.A. Seterusnya, pengenalan Ilmu tafsir juga akan disampaikan berserta penafsiran dan penjelasan bagi ayat-ayat terpilih. Antara modul yang bakal disampaikan di bawah Ilmu Quran adalah:

- Pengenalan bagi Ilmu Quran
- Pengenalan bagi Ilmu Tafsir
- Tafsir Ayat-ayat Terpilih dan sebagainya

Ilmu Hadith:

Siri video bagi Ilmu Hadith akan mengenengahkan isu-isu penting bagi pembelajaran Hadith Rasulullah SAW. Daripada mengetahui fasa pembukuan ilmu Hadith, hingga ke pemahaman akan kedudukan Hadith-hadith yang dirakam. Ia juga akan memberi pendedahan kepada para penonton akan para Ulama' dan sarjana ilmu Hadith serta kitab-kitab utama dalam ilmu Hadith. Diantara modul yang akan disampaikan adalah:

- Pengenalan bagi Ilmu Hadith
- Pengenalan bagi tokoh-tokoh Ulama Hadith dan Kitab-kitab Hadith Utama
- Rungkai Hadith-Hadith Rasulullah SAW Terpilih dan sebagainya

Ilmu Aqidah

Ilmu Aqidah merupakan satu dasar ilmu yang wajib dipelajari oleh setiap individu Islam. Di dalamnya juga akan dibincangkan mengenai definisi akidah dan tauhid beserta sumber-sumbernya. Sebagai susulan dari ilmu Fardu Ain, ia akan memperkembangkan rukun-rukun Iman bermula dengan mengenali Allah SWT melalui nama-namaNya dan sifat-sifatNya, para Rasulullah SAW, para Malaikat AS, Kitab-kitab yang turunkan Allah SWT, perkara-perkara berkaitan dengan Hari Akhirat serta Qada' dan Qadar Allah SWT. Antara siri video yang bakal disampaikan di bawah Ilmu Aqidah adalah seperti:

- Pengenalan bagi Ilmu Aqidah
- Mengenal Para Rasul Ulul 'Azmi
- Kisah Para Rasul di didalam Al-Quran
- Perjalanan Hidup di Akhirat dan sebagainya

Ilmu Akhlak

Siri video di bawah ilmu Akhlak akan memberikan pemahaman kepada penonton akan cara bagi menyucikan diri dan mempamerkan keperibadian seorang Muslim mengikut panduan Islam serta melalui contoh teladan junjungan kita Nabi Muhammad SAW. Ia bertujuan untuk memberikan panduan Akhlak Islamiyah di dalam perkara-perkara dan situasi-situasi penting bagi seorang Muslim. Antara siri video yang bakal disampaikan di bawah Ilmu Akhlak adalah:

- Pengenalan bagi Ilmu Akhlak
- Pengenalan bagi Ilmu Tasawwuf
- Akhlak Islamiyah Sebagai Seorang Penuntut Ilmu dan Pekerja
- Akhlak Islamiyah bagi Setiap Ahli Keluarga

Ilmu Sejarah

Siri video di bawah ilmu sejarah akan mengupas sejarah utama dan penting bagi Umat Islam. Bermula dari zaman Rasulullah SAW (sebelum dan selepas kebangkitan), zaman Khulafa' Rasyidin, dan seterusnya ke zaman Bani Umayyah, Abbasiyah, Uthmaniyah dan lain-lain lagi. Antara siri video yang bakal disampaikan di bawah Ilmu Aqidah adalah seperti :

- Pengenalan bagi Ilmu Sirah Nabi Muhammad SAW
- Sirah Nabi Muhammad SAW
- Sejarah Zaman Khulafa' Rasyidin
- Sejarah Zaman Bani Umayyah dan seterusnya